

नव सौ तांगा ने नव सौ बैल छोरीया,

दोहा भक्त बीज पलटे नही,  
ओर जो जुग जाये अनंत,  
ऊंच नीच घर अवतरे,  
वो रहे संत रो संत ।

नव सौ तांगा ने नव सौ बैल छोरीया,  
नव सौ तांगा ने नव सौ बैल,  
घर घर मे घोडा किनरा बांधीया ओ जी,  
अरे घर घर में घोडा किनरा बांधीया ओ जी,  
राणा रा तांगा कहिजे बैल मीरा,  
राणा रा तांगा कहिजे बैल,  
घर घर में घोडा वे ही बांधीया ओ जी ॥

रमे खेले ने घर आवो मीरा,  
रमे खेले ने घर आव,  
राणोजी आया है थाने लेवन ने ओ जी,  
राणोजी आया है थाने लेवन ने ओ जी,  
कुन तो राणो है कुन है राम जुग में,  
कुन तो राणो है कुन है राम,  
किनरे राजा रे कहिजे डिकरा ओ जी,  
अरे किनरे राजा रा कहिजे डिकरा ओ जी ॥

हंसने मुलके ने मीठी बोल मीरा,

हंसने मुलके ने मीठी बोल,  
ओची उमर मे थोडो जीवनो ओ जी,  
अरे ओची उमर मे थोडो जीवनो ओ जी,  
जोगन हो जावु जग रे माय राणा,  
जोगन हो जावु जग रे माय,  
गूंथी लावु रे हरि रे सेवरा ओ जी,  
अरे गूंथी लावु रे हरि रा सेवरा ओ जी ॥

बांधो गले रे नवसर हार मीरा,  
बांधो गले रे नवसर हार,  
चुडलो पेरो थे हस्ती दात रा ओ जी,  
अरे चुडलो पेरो थे हस्ती दात रा ओ जी,  
चुडला थारी रानी ने पेराव राणा,  
चुडला थारी रानी ने पेराव,  
मीरा पेरेला हरि रा लुम्बडा ओ जी,  
अरे मीरा पेरेला हरि रा लुम्बडा ओ जी,  
तटके तोडू रे नवसर हार राणा,  
तटके तोडू रे नवसर हार,  
गढ री पिता सु बांधु चुडला ओ जी,  
गढ री पिता सु बांधु चुडला ओ जी ॥

रविदास दिना है उपदेश राणा,  
रविदास दिना है उपदेश,  
साधु दिया है हरि रा लुम्बडा ओ जी,  
अरे साधु दिया है हरि रा लुम्बडा ओ जी,  
ओची जमारा वाली जात मीरा,  
ओची जमारा वाली जात,  
मुआ ढोरो रा काटे चामडा ओ जी,

अरे मुआ दोरो रा काटे चामडा ओ जी ॥

रविदास कहिजे मायर बाप राणा,  
रविदास कहिजे मायर बाप,  
मेतो संतो रे पग री मोजडी ओ जी,  
अरे मेतो संतो रे पग री मोजडी ओ जी,  
गावे गावे मीरा बाई आप भाईडा,  
गावे गावे मीरा बाई आप,  
गुरू रविदास जाने भेटिया ओ जी,  
अरे गुरू रविदास जाने भेटिया ओ जी ॥

नव सौ ताँगा ने नव सौ बैल छोरीया,  
नव सौ ताँगा ने नव सौ बैल,  
घर घर मे घोडा किनरा बांधीया ओ जी,  
अरे घर घर में घोडा किनरा बांधीया ओ जी,  
राणा रा ताँगा कहिजे बैल मीरा,  
राणा रा ताँगा कहिजे बैल,  
घर घर में घोडा वे ही बांधीया ओ जी ॥

गायक प्रकाश माली जी ।

प्रेषक मनीष सीरवी

9640557818

Source: <https://www.bharattemples.com/nav-sau-tanga-ne-nav-sau-bel-bhajan/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>